

畿輔通志卷二百三

列傳十一 唐四

唐

順德府

常何

李嗣真

李元愷

朱璟

李懷遠

子景伯
孫彭年

魏傳弓

趙君惠

于漬

廣平府

毛藻

蓋文懿

宗人文達

王君愕

子及善

張楚金

兄越石

韓固文

潘師正

賈公彥

子大隱

李元植

宋慶禮

高正臣

李傑

楊茂謙

潘好禮

張眾甫

宋廷芬

司空曙

傅良弼

崔元亮

張祐

劉言史

張徹

宋申錫

崔彥昭

馬衡章徵海 馮仁郭守素

劉真

大名府

李安年

張蘊古

張文瓘兄文琮文琮子 譏

錫文琮從父弟

馬嘉運

谷那律孫倚相倚相子 崇

義崇義子從政

李義炎子巢

從祖弟義琛

義琛子

張大素弟大安子

郭震

吳保安郭仲翔

解琬

姜師度

杜暹父承志族子 鴻漸

鴻漸父鵬舉

杜咸

劉晏兄暹 暹孫滄

張伯儀

王栖曜 子茂元

南霽雲

柏良器 父造

子耆 張萬福

劉元佐 子士甯

鄧惟恭

馮伉

吳淑 弟湊 子矩

杜羔 子中立

韓宏 父海 子公

高郢 子定

公乘億

谷感德 毛仁 子文綱

李仁實

李文禮

宣化府

侯仲莊

嚴濟寬

陳顯祖

李潤

唐

順德府

常何鉅鹿人爲中郎將陳便宜二十餘事帝異之何對曰臣

家客馬周具草耳帝以爲知人賜絹三百匹

新唐書

李嗣真字承胄趙州柏人人

案舊書作滑州匡城人

父彥宗趙州長史

嗣真博學曉音律兼善陰陽推算之術弱冠

舊唐書

舉明經中

之累調許州司功參軍賀蘭敏之修撰東臺表嗣真直宏文

館與學士劉獻臣徐昭皆少有名號三少高宗東封還詔贈

孔子太師命有司爲祝司文郎中雷少穎文不稱旨更命嗣

真成不淹頃帝覽稱善詔加兩階敏之等倚恩自如嗣真不

喜求補義烏令敏之敗學士多連坐嗣真獨免調露中爲始

平令風化大行時章懷太子作寶慶曲閱於太清觀嗣真謂

道人劉概輔儼曰宮不召商君臣乖也角與徵戾父子疑也

死聲多且哀若國家無事太子任其咎俄而太子廢概等奏

其言擢太常丞知五禮儀封常山縣子嗣真嘗曰隋樂府有

堂堂曲明皇再受命此日有側堂堂橈堂堂之謠側不正也
橈危也皇帝病日侵事皆決中宮持權與人收之不易宗室
雖衆居中制外勢且不敵諸王殆爲后所蹂踐吾見難作不
久矣太常缺黃鐘鑄不能成嗣眞居崇業里疑土中有之弗
得其所道上逢一車有鐸聲甚厲嗣眞曰宮聲也市以歸振
於空地若有應者掘之得鐘衆樂遂和嘗引工展器於庭后
奇其風度應對召相王府參軍閻元靜圖之吏部郎中楊志
誠爲讚祕書郎殷仲容書時以爲寵永昌初以右御史中丞
知大夫事請周漢爲二王後詔可命巡撫河東薦宋溫瑾袁
嘉祚李日知拔州縣職皆至顯官來俊臣獄方熾嗣眞上書
諫以爲昔陳平事漢祖謀閒楚君臣行反閒項羽遂亡今殆
有如平者謀陛下君臣恐爲社稷禍不納出爲潞州刺史俊

臣誣以反流滕州人得還自筮死日豫具棺斂如言卒桂陽
有詔州縣護喪還鄉里贈濟州刺史諡曰昭武后嘗問嗣真
儲貳事對日程嬰杵曰存趙氏孤古人嘉之后悟中宗乃失
神龍初又贈御史大夫

新唐書

所撰有明堂新禮十卷孝經指

要詩品書品畫品各一卷

舊唐書

李元愷邢州人博學善天步律厯性恭慎未嘗敢語人宋璟
嘗師之既當國厚遺以束帛將薦之朝拒不答洺州刺史元
行冲邀致之間經義畢贈衣服辭曰吾軀不可服新麗懼不
稱以速咎也行冲垢巖復與之不獲已受俄報身所蠶素絲
日義不受無妄財也先是定州崔元鑒善禮學用張易之力
授朝散大夫家居給半祿元愷誚曰無功而祿災也卒年八

十餘

新唐書

宋璟邢州南和人七世祖弁爲元魏吏部尙書新唐書父元撫

舊唐書

衛州司戶參軍

宰相世系表

璟耿介有大節好學工文詞舉

進士中第調上黨尉爲監察御史遷鳳閣舍人居官鯁直武

后高其才張易之誣御史大夫魏元忠有不臣語引張說爲

驗將廷辯說惶懼璟謂說曰名義至重不可陷正人以求苟

免緣此受謫芬香多矣若不測者吾且叩閭救將與子偕死

說感其言以實對元忠免死璟後遷左臺御史中丞會飛書

告張昌宗引相工觀吉凶者璟請窮治后曰易之已自言於

朕璟曰昌宗事露始自陳且謀反大逆無容首免請正國法

后不懌姚璹

案舊書通鑑俱作楊再思

遽傳詔令出璟曰天顏咫尺親奉

德音不煩宰相擅宣王命后不得已遣昌宗詣臺璟庭立而

案之事未畢特詔原之

案續通志云新舊書並云收案易之等通鑑考異云璟止鞠昌宗占相事

耳無緣及易
之今據改

敕詣璟謝璟不見曰公事公言之若私見法無

私也顧左右歎曰吾悔不先碎豎子首令亂國經負此恨矣
嘗宴朝堂二張列卿三品璟階六品居下坐易之諂事璟虛
位揖曰公第一人何下坐璟曰才劣品卑卿謂第一何邪是
時朝廷以易之等內寵不名其官呼易之五郎昌宗六郎鄭
善果謂璟曰公奈何謂五郎爲卿璟曰以官正當爲卿君非
其家奴何郎之云自是易之等積怨常欲中傷后知之得免
嘗詔按獄揚州辭曰此監察御史職也又詔按幽州都督屈
突仲翔璟言御史中丞非軍國大事不出使仲翔罪止贓今
使臣往此必有危臣者旣而詔副李嶠使隴蜀璟復言隴右
無變臣以中丞副李嶠非朝廷故事終辭易之初冀璟出則
劾奏誅之計不得行乃伺璟家婚禮將遣客刺殺之有告璟

者璟乘庫車舍他所刺不得發俄二張死乃免神龍初爲吏部侍郎中宗嘉其直令兼諫議大夫內供奉仗下與言得失遷黃門侍郎武三思怙寵數有請於璟璟厲聲曰今復子明辟王宜以侯就第安得上干朝政獨不見產祿事乎後韋月將告武三思亂宮掖三司諷有司論大逆不道帝詔誅之璟請付獄按罪帝怒璟曰人言后私三思陛下不問卽斬之臣恐有竊議者請按而後刑帝愈怒璟曰請先誅臣不然終不奉詔帝乃流月將嶺南會車駕還京師召璟權檢校并州長史未行又檢校貝州刺史時河北水歲大饑三思封邑在貝州專使督其租璟拒不與故爲所擠歷杭相二州政清毅吏下無敢犯者遷洛州長史睿宗立以吏部尙書同中書門下三品元宗在東宮兼右庶子先是崔湜鄭愔典選爲戚近千

奪至豫用二年員闕猶不能給更置比冬選流品滑并璟與
侍郎李乂盧從愿澄革之銓總平允太平公主不利東宮嘗
駐輦光範門伺執政以諷之璟昌言曰太子有大功宗廟社
稷主也安得異議乃與姚崇白奏出公主諸王於外帝不能
用貶楚州刺史厯充冀魏三州河北按察使進幽州都督以
國子祭酒留守東都遷雍州長史開元初以雍州爲京兆府
復爲尹進御史大夫坐小累爲睦州刺史案通鑑開元三年
璟坐監朝堂杖輕
貶睦州刺史四年始內召舊書本傳徙廣州都督廣人以竹
爲開元初卽召拜刑部尙書非也
茅茨屋多火璟教之陶瓦築堵列邸肆越俗始知棟梁利而
無延燒患召拜刑部尙書四年遷吏部兼侍中帝幸東都次
滑谷馳道隘稽擁車騎帝命黜河南尹李朝隱知頓使王怡
等官璟曰陛下富春秋今始巡守以道不治而罪二臣由此

相飭後有受其敝者帝遽命舍之璟謝曰陛下向以怒責之以臣言免之是過歸於上而恩在下姑聽待罪於朝然後詔還其職進退得矣帝善之累封廣平郡公廣人爲璟立遺愛頌璟上言頌所以傳德載功也臣之治不足紀廣人以臣當國故爲濫詞徒成詔諛欲革此風請自臣始有詔許停帝嘗命璟與蘇頌制皇子名與公主號遂差次所封且詔別擇一美稱及佳邑封上璟奏言七子均養詩人所稱今若同等別封或母寵子愛恐傷鴈鳩之平臣不敢奉詔帝歎重其賢皇后父王仁皎卒將葬用昭成皇后家父竇孝謹故事墳高五丈一尺璟與蘇頌請如著令帝已然可明日復詔如孝謹者璟還詔曰僭禮厚葬前世所誠孝謹踰制當日無人銳言其失豈可今日復踵而爲之貞觀時嫁長樂公主資送欲倍長

公主魏徵不可太宗欣納又文德皇后降使厚謝韋庶人追王其父擅作鄴陵而禍不旋踵國家知人情無窮故爲制度不因人以搖動不變法以愛憎今以后父之尊欲高大其墳何足爲難而臣等再三進言者欲成朝廷之政中宮之美耳帝曰朕常欲正身率下況於妻子何敢私之卽可其奏遣使賚綵絹四百疋會日食帝素服俟變錄因多所貸遣賑恤災患罷不急之務璟曰臣聞月蝕修刑日食修德親君子遠小人止女謁放讒夫此所謂修德也囹圄不擾兵甲不瀆官不苛治軍不輕進此所謂修刑也君子恥言浮於行願陛下推至誠行之無事空文帝嘉納後以開府儀同三司罷政事京兆人權梁山謀逆敕河南尹王怡往按久未決乃命璟爲京兆留守覆按其獄璟至惟罪元謀數人其餘緣梁山詭稱婚

集因假貸得罪及脅從者悉奏原之十三年東巡泰山

案續通志

云新舊本傳作十二年誤謹據改

璟復爲留守帝將發謂曰卿國元老別方

歷時宜有嘉謀以遺朕璟因極言得失手制答曰所進當書

之坐右出入觀省以誠終身

案本書璟嘗手寫尙書無逸圖以獻勸帝出入觀省以自戒

賜賚優渥進兼吏部尙書

案本書刑法志盧慎著開元格李林甫又著新格璟又著後格皆以

開元名書

十七年爲尙書右丞相而張說爲左丞相源乾曜爲太

子少傅同日拜有詔太官設饌太常奏樂會百官尙書省東

堂帝賦三傑詩自寫以賜之二十年請致仕許之仍賜全祿

退居洛乘輿東巡璟謁道左召榮王勞間別遣使賜藥餌三

十五年卒年七十五贈太尉諡文貞璟風度凝遠人莫涯其

量始自廣州入朝帝遣內侍楊思勗驛迓之未嘗交一言思

勗自以將軍貴幸訴之帝益嗟重璟爲宰相務清政刑使官

人皆任職聖厯後突厥默啜數窺邊侵九姓拔曳固負勝輕
出爲其狙擊斬之八番使郝靈佺傳其首京師靈佺自謂還
必厚見賞璟顧天子方少恐後干寵蹈利者夸威武爲國生
事故抑之踰年纔授右武衛郎將靈佺恚憤不食死張嘉貞
後爲相閱堂按見其危言切議未嘗不失聲歎息六子昇尙
渾恕華衡昇太僕少卿尙漢東太守

新唐書

李懷遠字廣德邢州柏仁

案柏仁卽柏人之訛

人少孤嗜學宗人欲藉

以高廕懷遠辭曰因人之勢高士恥之擢四科累轉司禮少
卿出爲本州刺史改冀州遷揚益二都督府長史徙同州刺
史治尙清簡累遷鸞臺侍郎進同鳳閣鸞臺平章事封平鄉
男以左散騎常侍同中書門下三品爵趙郡公賜實封戶三
百以老致仕中宗還京師詔知東都留守復加同中書門下

三品懷遠人貴益素約不治居室常乘款段馬僕射豆盧欽望謂曰公貴顯顧當然邪答曰吾幸其馴不願它駿神龍二

年卒帝賜錦衾斂自爲文祭之贈侍中諡曰成

案唐會要贈侍中平鄉縣

公李懷遠諡曰成又有贈侍中趙郡公李懷遠諡曰惠彼此互異

子景伯景龍中爲諫議大

夫中宗宴侍臣及朝集使酒酣各命爲回波詞或以諂言媚

上要巧謬寵景伯獨爲箴規語以諷帝不悅中書令蕭至忠

曰眞諫官也景雲中進太子右庶子時有建言置都督府非

是詔羣臣普議景伯與太子舍人盧備議今天下諸州分隸

都督專生殺刑賞使授非其人則權重疊生非強幹弱枝經

邦軌物之誼願罷都督留御史以時按察職卑任重以制奸

宄由是停都督終右散騎常侍子彭年有才剖析明悟歷遷

中書舍人吏部侍郎與李林甫善常慕山東著姓爲婚姻引

就清列典選七年卒以賊敗長流臨賀郡天寶十二載擢爲
濟陰太守徙馮翊天子幸蜀陷賊脅以僞官憂忿死贈禮部

尙書

新唐書

魏傳弓鉅鹿人爲監察御史疾中人輔信義欲勘奏其奸竇
懷貞曰是安樂主所信任者奈何繩之傳弓曰王綱壞矣正

坐此屬今日殺之明日死無所悔

大清一統志

趙君惠沙河人事親居喪以至行著

唐書孝友傳敘

乾隆二十一年

請祀鄉賢

沙河縣志

于濱字子漪堯山人

順德府志

咸通二年裴延魯榜進士

順德府志作咸

平患當時作詩者拘束聲律入輕浮作古風三十篇以矯弊

俗自號逸詩

唐才子傳終泗州判官

全唐詩小傳

詩一卷行世

唐才子傳

廣平府

毛藻字行斌雞澤人曾祖買齊儀同三司常山太守祖甯隋
湖州湖陽縣令太府寺主簿父卿洛州宜陽縣令尹歸唐授
上儀同尋陞熊州司倉參軍冀氏縣令藻性疎放不拘名檢
克王世充滅竇建德屢有功授朝散大夫降驍騎尉致政歸
咸亨四年卒年七十二子義成義同

雞澤縣志

蓋文懿貝州宗城人

舊唐書

以儒學稱與宗人文達時號二蓋

高祖於祕書省置學以教王公子文懿爲國子助教旣升席
公卿更相質問文懿譬曉密微遠近宗仰貞觀中終國子博

士

新唐書

王君愕洛州邯鄲人有沈謀隋亂并州人王君廓掠邯鄲君
愕往說曰隋氏失御豪俊共救其亂宜撫納遺賾而保全之
觀時變待真主足下無尺寸之地兼旬之糧劫衆而興但恣